

# UNIVERZALNA DEKLARACIJA O ARHIVIMA



Prihvaćeno na 36.  
zasjedanju Generalne  
konferencije UNESCO



Međunarodno arhivsko vijeće

Arhivi čuvaju odluke, aktivnosti i sjećanja. Oni čine **jedinstvenu i nezamjenjivu** baštinu koja se prenosi s **pokoljenja** na pokoljenje. Arhivima se upravlja od njihovog nastanka, kako bi se **očuvala** njihova vrijednost i smisao. Oni su **mjerodavan** izvor informacija na kojem počiva **odgovorno i transparentno** upravno djelovanje. Oni igraju **ključnu** ulogu u razvoju društava time što **čuvaju** individualno i kolektivno **pamćenje** i stalno mu doprinose. Slobodan pristup arhivima obogaćuje naše **znanje** o ljudskom društvu, promovira **demokratiju**, štiti **prava** građana i poboljšava **kvalitet** života.

## U tom smislu, potvrđujemo

- **jedinstveni karakter** arhiva kao vjerodostojnih svjedoka upravnih, kulturnih i intelektualnih aktivnosti te kao odraz razvoja društava;
- **suštinsku važnost** arhiva u podržavanju efikasnog, odgovornog i transparentnog poslovanja, zaštiti prava građana, uspostavljanju individualnog i kolektivnog pamćenja, razumijevanju prošlosti i dokumentiranju sadašnjosti u svrhu vođenja budućih aktivnosti;
- **raznolikost** arhiva u dokumentiranju svih područja ljudske djelatnosti;
- **mnoštvo formata** u kojima arhivi nastaju i čuvaju se, uključujući papirne, elektroničke, audiovizualne i druge;
- **ulogu arhivista**, obučениh stručnjaka koji se od početka svog obrazovanja specijalizuju i kontinuirano usavršavaju, i koji služe svom društvu tako što omogućavaju stvaranje zapisa, obrađuju ih i čuvaju, te ih čine dostupnim za korištenje;
- **odgovornost svih** - građana, javne uprave i donosilaca odluka, vlasnika javnih ili privatnih arhiva i onih koji njima raspoložu, arhivista i ostalih informacijskih stručnjaka - u upravljanju arhivima.

## Stoga se obavezujemo djelovati zajedno kako bi

- bili usvojeni i provedeni odgovarajuće zakonodavstvo u vezi s arhivima i arhivska politika na nacionalnom nivou;
- upravljanje arhivima bilo adekvatno vrednovano i kompetentno provedeno od strane svih tijela, javnih ili privatnih, koja stvaraju i koriste archive u obavljanju svoje djelatnosti;
- bila osigurana potrebna sredstva za odgovarajuće upravljanje arhivima, uključujući zapošljavanje obučениh stručnjaka;
- arhivima bilo upravljano i kako bi se oni čuvali tako da se osigura njihova autentičnost, pouzdanost, cjelovitost i upotrebljivost;
- arhivi bili dostupni svima, poštujući pritom odgovarajuće propise i prava pojedinaca, tvorca arhiva, njihovih vlasnika i korisnika;
- korištenje arhiva doprinijelo promoviranju odgovornog građanstva.

Usvojila Generalna skupština Međunarodnog arhivskog vijeća, Oslo, septembar 2010. Prihvaćeno na 36. zasjedanju Generalne konferencije UNESCO-a, Pariz, novembar 2011.